




## AD LECTOREM.

 T mentem nostram liquidius  
U perspiceres, Lector Benevo-  
le, in libri fronte expressam  
emblemate, ipsis illam subje-  
cimur oculis. Si quem tamen & hinc ad-  
umbrata figuris veritas OEdipum postulet:  
*Dispensatorium Pharmaceuticum Viennense*  
aspicis, quod *Ratio*, atque *Experientia*,  
unica ad inveniendas, perficiendasque ar-  
tes adminicula, Magnæ bonarum artium  
Parenti, & Altrici *Augustæ Vindobonæ*,  
& in hac orbi, cum primis Austriaco,  
porrigunt: quæ enim ignoret orbis noster?  
quod Vienna didicerit, probaverit, sic  
amplexa. Quo quidem in opere publi-  
cam in lucem emittendo, si consilium  
nostrum nôsse desideras, tuam unice com-  
munemque populorum utilitatem, atque  
a incolumi-



incolumitatem præ oculis habuimus. Cùm enim in rebus, etiam saluberrimis, nimia opinio- num, praxeosque varietas facilè in errorem, aut errandi periculum inducere so- leat, in Pharmaceutica autem ( in qua, non secùs ac in bello peccare plerumque bis non licet ) in gravissimam eorum, quorum de salute, ac vita agitur, jacturam error abripiat, publicæ interesse salutis existimavimus, in certum, stabilemque ordinem, quidquid aut Musæa nostra elu- cubrant, aut distillant foculi, aut elabo- rant officinæ, redigere, certamque sta- tuere regulam, ad quam se omnis pa- randorum ægris medicaminum ratio con- formet. Nempè, quod rebus omnibus vir- tutem, cumprimis atquè salubritatem præ- bet, ordo est, certa que quædam agendi regula. Si promiscuam sibi actionem ele- menta vendicent, & calorem terra, hu- morem ignis, siccitatem aër infundere corporibus gestiant, orbem perdent, quem hodie servato inter sese naturæ or- dine componunt. Astra ipsa ( quibus quid tum ad conservationem orbis, tum cumprimis humanorum salutem corporum effi-



efficacius ? ) an non in stabili illa statū  
cursū , recursusque lege , atque influxuum  
contemperatione , sublunarium rerum in-  
columitati , salutique consulunt ? Id ut in-  
nueremus , *Zodiacum* in emblemate pin-  
ximus , spectabilem maximè cælestium  
motuum limitem , atque regulam . Nun-  
quam aut *Eclipticam Phæbus* , aut *Zodia-  
ci fines Planetæ* reliqui egrediuntur , quòd  
iis hos terminos , quo naturæ consulant ,  
rerum Author descripserit : ita & limite  
suo stabilis quædam lex , atque ordo ,  
illustra quamvis , circumscribat ingenia ,  
quò certiore tramite in salutem ægrotan-  
tium conspirent .

Quid ? quòd hoc in consilio ipsius na-  
turæ Authoris maximi exemplum æmu-  
lemur , tribus ille digitis ( quos pondus ,  
mensuram , numerum , Sapientes inter-  
pretantur ) suspendit orbem ; id est : re-  
git , ac temperat . Tolle pondus rebus ,  
commixta intra sese fluitabit moles , pris-  
cumque in chaos defluet ; tolle mensu-  
ram , suis exerrantia spatiis elementa in  
alternum collidentur exitium ; tolle nu-  
merum , dum hic redundat , illic deficit ,  
52011 - a 2 orbis



orbis solutâ demum compage fatiscet. Eadem porrò hæc , quemadmodum Pharmaceuticæ nostræ prima veluti rudimenta, ita basis , atquè fundamenta sũnt , quibus salvis , incolumis ipsa mortalium consulat incolumitati. Hæc ut perenni stent immota lege , Dispensatoriô hõc nostro adnitimur ; quô medicaminum pondus , mensuram , numerum , exactô ad unguem calculô statuimus , æstimationem etiam , pretiumque æquissimum , nè quid ad stabilem , ratumque ordinem desideretur , definimus. Quæ in re vel illud ex longiore meditandi spatio compendii cœpi-  
mus , quòd , quæ in editis ante nos aliorum per Germaniam , Galliam , Angliam , hujusce generis voluminibus eminent , assensu nostro comprobare , quæ minus aut climati nostro , aut temperiei hominum , aut experientiæ convenire novimus , emendatiora reddere licuit. Hoc igitur opus , tuis unice commodis sacrum , tibi in manus *Ratio* , atque *Experientia* consignant.

In quo , si suo comprobantem assensu suffragatorem habent *Æsculapium* ; quem pronâ



pronâ cervice annuentem aspicias ; si dextero fruuntur *Mercuriô* , qui *Virgam* , quâ dudum defunctos fatis suis manes in vitam , ac corpora revocare vates memorant , in artis præconium , atque venerationem inclinat ; si benignos suo ex *Zodiaco* influxus spondent sidera ; si profusas largè opes *Triplici è regno suo Natura* accommodat ; si denique , queis ancillari naturam arti cogas , instrumenta , atque *apparatum artis Genii* suppeditant ; id unum superest , ut tu quoque , Lector benevole , conatui huic nostro , quâ bonas omnes artes complecteris , faveas. Vale , ac utere. Et , si ejusdem nobiscum artis consors , & cultor es , magnum inde operæ tuæ compendium , magnam successibus , fortunisque tuis accessionem experieris ; Si amicus & fautor , quem ad pharmacorum usum curandæ valetudinis studium , aut necessitas impellat , conatum hunc nostrum salutis , & incolumitati tuæ copiosè proficuum persentisces.

CENSURA